



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-3-40-332-6/19**

Datum: **09.05.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «VLAŠIĆ-PETROL» d.o.o. Travnik za izmjenu rješenja broj: UP-I/25-3-40-332-4/19 od 10.10.2019. godine u smislu promjene naziva korisnika, na osnovu člana 262. Zakona o upravnom postupku («Službene novine Federacije BiH», broj 2/98 i 48/99), **donosi**

R J E Š E N J E o izmjeni rješenja o vodnoj dozvoli

1. Mijenja se rješenje ove Agencije broj: UP-I/25-3-40-332-4/19 od 10.10.2019. godine u smislu promjene naziva korisnika, tako da umjesto naziva pravnog lica «**MALI FIS**» d.o.o. Vitez treba da stoji: «**VLAŠIĆ-PETROL**» d.o.o. Travnik.
2. U ostalom dijelu rješenje ostaje nepromijenjeno.

O b r a z l o ž e n j e

Pravno lice «VLAŠIĆ-PETROL» d.o.o. Travnik, obratilo se ovoj Agenciji dana 06.05.2022. godine sa zahtjevom za izmjenu ranije izdatog rješenja ovog organa broj: UP-I/25-3-40-332-4/19 od 10.10.2019. godine, kojim je pravnom licu «MALI FIS» d.o.o. Vitez dodijeljeno rješenje o vodnoj dozvoli za promet opasnih materija koje nakon upotrebe dopijevaju u vode i za indirektno ispuštanje tehnoloških i oborinskih onečišćenih otpadnih voda u tlo sa lokaliteta objekta benzinske pumpe sa autopraonicom izgrađenog u naselju Mudrike na zemljištu označenom kao k.č. broj: 1392 K.O. Mudrike, općina Travnik a iz razloga, kako se navodi u zahtjevu, što je došlo do kupoprodaje pomenute nekretnine od strane Franciske Tadić-Barišić a potom iznajmljivanja iste preduzeću «VLAŠIĆ-PETROL» d.o.o. Travnik.

U toku važenja Rješenja o vodnoj dozvoli broj: UP-I/25-3-40-332-4/19 od 10.10.2019. godine došlo je do promjene naziva korisnika tako da je Rješenjem o vodnoj dozvoli broj: UP-I/25-3-40-332-6/19 od 09.05.2022. godine izmijenjeno Rješenje o vodnoj dozvoli u smislu promjene naziva Investitora, tako da umjesto naziva pravnog lica «MALI FIS» d.o.o. Vitez stoji «VLAŠIĆ-PETROL» d.o.o. Travnik.

U prilogu zahtjeva dostavljena je sljedeća dokumentacija:

- Ovjerena kopija Rješenja o registraciji u sudski registar broj: 051-0-Reg-22-000141 izdatog 21.03.2022.godine od strane Općinskog suda u Travniku,
- Ovjerena kopija Uvjerenja o registraciji poreznog obveznika izdatog dana 29.03.2022. godine od strane Porezne uprave Federacije BiH - Kantonalni porezni ured Novi Travnik,
- Ovjerena kopija Rješenja o izmjenama u katastarskom operatu broj: 04-30-545/22-2 od 05.04.2022. godine izdatog od strane Službe za urbanizam, građenje, katastar i imovinsko-pravne poslove - Odsjek za katastar - Općina Travnik (promjene utvrđene i provedene na osnovu kupoprodajnog ugovora broj: OPU IP-148/22 ovjeren dana 03.02.2022. godine),
- Ovjerena kopija Ugovora o zakupu zaključenog dana 28.03.2022. godine između Franciska Tadić-Barišić (Zakupodavac) i «VLAŠIĆ-PETROL» d.o.o. Travnik (Zakupac),
- Ovjerena kopija Specijalne punomoći notarski ovjerena dana 08.02.2022. godine od strane notara Jasna Sofović iz Viteza (OPU-IP-110/2022)-punomoć data od strane Franciska Tadić-Barišić za Anto Grabovac,
- Kopija Rješenja o vodnoj dozvoli broj: UP-I/25-3-40-332-4/19 izdatog dana 10.10.2019. godine od strane «Agencije za vodno područje rijeke Save» Sarajevo.

U podnesenom zahtjevu se navodi, a što se iz priložene dokumentacije nesporno utvrđuje, da je u periodu od izdavanja navedenog upravnog akta došlo do promjene u nazivu pravnog lica - nosioca vodne dozvole.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan. Obzirom da su ranijim izdatim vodnim aktom – Rješenje o vodnoj dozvoli, tadašnjem korisniku objekta «MALI FIS» d.o.o. Vitez, shodno odredbama člana 116. Zakona o vodama («Službene novine Federacije BiH», broj 70/06), kao i u skladu sa Pravilnikom o načinu obračunavanja, postupku i rokovima za obračunavanje i plaćanja i kontroli izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11 i 88/12) utvrđena prava i obaveze, iste ostaju novom korisniku «VLAŠIĆ-PETROL» d.o.o. Travnik.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.


Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju:

Rukovodilac sektora za izdavanje vodnih akata



Ališehović

Haris Ališehović, dipl.ing.građ.

Dostaviti:

- «VLAŠIĆ-PETROL» d.o.o. Travnik
Mudrike bb, Vlašić 72270 Travnik
- AVP Sava, ISV-vodna knjiga
- Sektor 40 – arhiva
- Sektor 50
- Oglasna ploča